



Broj: 04-GV-04-1019/21
Sarajevo, 15.09.2021. godine

ZAPISNIK O RADU
PETE SJEDNICE ODBORA ZA BUDŽET I FINANSIJE
održane 15.09.2021. godine

Prisutni:

1. Danijela Šahat, zamjenica predsjedavajućeg
2. Lajla Ćosović, članica
3. Kenan Đonko, član,
4. Anes Teskeredžić, član

Odustan: Raif Duraković, predsjedavajući, Haris Džihanić, član, Seid Škaljić, član (najavljeni izostanci)

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeće Grada Sarajeva
- Mila Eminović Rizvanović, sekretar Gradskog vijeća Grada Sarajeva
- Zinaida Beširević, šef Odjeljenja za stručne poslove

Sjednici po ovlaštenju Gradonačelnice prisustvuje:

- Erna Čolić, rukovodilac Stručne službe gradonačelnice Grada Sarajeva
- Merima Arifhodžić, pomoćnica Gradonačelnice za urbano planiranje, investicije, stambene i komunalne poslove
- Selma Bećiragić, ispred Gradske službe za urbano planiranje, investicije, stambene i komunalne poslove
- Elvir Hadžiahmetović, pomoćnik Gradonačelnice za lokalno poslovanje

Sjednici prisustvuju i

- Arijana Huseinović Ajanović, predsjednica Skupštine JP „Sarajevo“ d.o.o.
- Ensar Eminović, direktor JP „Sarajevo“ d.o.o.
- Emina Olovčić, ispred JP Sarajevo
- Senka Ibrišimbegović, direktorica JU Gradski muzeji

Zamjenica predsjedavajućeg Odbora je otvorila sjednicu u 11.15 sati, pozdravila prisutne, utvrdila kvorum za punovažan rad i odlučivanje.

Zamjenica predsjedavajućeg Odbora je podsjetila na zaključak Odbora kojim je prihvaćen rok za razmatranje Prijedloga Odluke o izmjenama i dopunama Budžeta Grada Sarajeva za 2021. godinu u mjesecu septembru, te postavila pitanje kada se očekuje predlaganje Odluke o izmjenama i dopunama Budžeta Grada Sarajeva za 2021. godinu.

Odgovor na postavljeno pitanje i pojašnjenja dali su Erna Čolić rukovodilac Stručne službe gradonačelnice Grada Sarajeva i Elvir Hadžiahmetović, pomoćnik Gradonačelnice za lokalno poslovanje.



Zamjenica predsjedavajućeg pozvala je članove Odbora da se izjasne o Zapisniku o radu Četvrte sjednice Odbora za budžet i finansije Gradskog vijeća Grada Sarajeva održane 15.07.2021. godine, te konstatovala da je Zapisnik jednoglasno usvojen.

Na prijedlog zamjenice predsjedavajućeg Odbora, jednoglasno je usvojen sljedeći **dnevni red**:

1. Prijedlog Plana rada Grada Sarajeva za 2021. godinu
2. Izvještaj o radu i poslovanju JP „SARAJEVO“ d.o.o. za 2020. godinu
3. Prijedlog Odluke o davanju saglasnosti na Odluku o pokriću gubitka Javnog preduzeća „Sarajevo“ d.o.o. za 2020. godinu
4. Informacija o izvršenju Budžeta Grada Sarajeva za period 01.01.-30.06.2021. godine
5. Informacija o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“
6. Predlaganje tema za izradu Nacrta Programa rada Gradskog vijeća Grada Sarajeva za 2022. godinu
7. Tekuća pitanja

TAČKA 1.

Prijedlog Plana rada Grada Sarajeva za 2021. godinu

Uvodno izlaganje podnijela je Erna Čolić, rukovodilac Stručne službe gradonačelnice Grada Sarajeva.

Poslije uvodnog izlaganja i rasprave, na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije sugeriše Gradskom vijeću Grada Sarajeva da razmatra *Plan rada Grada Sarajeva za 2021. godinu* kako je predložen.

TAČKA 2.

Izvještaj o radu i poslovanju JP „SARAJEVO“ d.o.o. za 2020. godinu

Uvodno izlaganje podnijela je Arijana Huseinović Ajanović, predsjednica Skupštine JP „Sarajevo“ d.o.o, a dodatna pojašnjenja i odgovore na pitanja članova Odbora dao je Ensar Eminović, direktor JP „Sarajevo“ d.o.o.

Poslije uvodnog izlaganja i rasprave, na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije sugeriše Gradskom vijeću Grada Sarajeva da razmatra *Izvještaj o radu i poslovanju JP „SARAJEVO“ d.o.o. za 2020. godinu* kako je predložen.

TAČKA 3.

Prijedlog Odluke o davanju saglasnosti na Odluku o pokriću gubitka Javnog preduzeća „Sarajevo“ d.o.o. za 2020. godinu

Na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije sugeriše Gradskom vijeću Grada Sarajeva da razmatra *Odluku o davanju saglasnosti na Odluku o pokriću gubitka Javnog preduzeća „Sarajevo“ d.o.o. za 2020. godinu* kako je predložena.

TAČKA 4.

Informacija o izvršenju Budžeta Grada Sarajeva za period 01.01.-30.06.2021. godine

Na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije je razmotrio *Informaciju o izvršenju Budžeta Grada Sarajeva za period 01.01.-30.06.2021. godine* i predlaže Gradskom vijeću da je primi k znanju.

TAČKA 5.

Informacija o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“

Uvodno izlaganje podnijela je Senka Ibrišimbegović, direktorica JU „Gradski muzeji“ Sarajevo.

Poslije uvodnog izlaganja i rasprave, na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije je razmotrio *Informaciju o stavljanju u funkciju raspoloživih sredstava za nastavak projekta izgradnje Muzeja savremene umjetnosti „Ars Aevi“* i predlaže Gradskom vijeću da je primi k znanju.

TAČKA 6.

Predlaganje tema za izradu Nacrta Programa rada Gradskog vijeća Grada Sarajeva za 2022. godinu

Uvodno izlaganje podnijela je Mirjana Đanović Stanić, rukovodilac Stručne službe Gradskog vijeća Grada Sarajeva.

Poslije uvodnog izlaganja, na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije konstatuje da nema prijedloga za izradu Nacrta Programa rada Gradskog vijeća za 2022. godinu, te da će eventualne prijedloge iznijeti prilikom razmatranja Nacrta Programa rada Gradskog vijeća Sarajeva za 2022. godinu.

TAČKA 7.

Tekuća pitanja

Nakon rasprave koja se odnosila na planirana a neutrošena sredstva u Budžetu Grada Sarajeva, na prijedlog zamjenice predsjedavajućeg, Odbor za budžet i finansije je sa četiri glasa „za“ usvojio sljedeći **zaključak**:

Odbor za budžet i finansije sugeriše Gradonačelnici da se prilikom izrade Budžeta Grada Sarajeva vodi računa o planiranim i realiziranim projektima kako planirana sredstva ne bi ostala neutrošena, a kako bi realizacija bila što uspješnija.

Nakon što su članovi Odbora upoznati da predsjedavajući Odbora Raif Duraković iz privatnih razloga neće obnašati funkciju predsjedavajućeg, niti učestvovati u radu radnog tijela, na prijedlog zamjenice predsjedavajućeg Odbora sa četiri glasa „za“ usvojen je sljedeći **zaključak**:

Odbor za budžet i finansije predlaže da se u skladu sa procedurom propisanom Poslovníkom Gradskog vijeća Grada Sarajeva izvrši izbor novog člana Odbora.

ZAMJENICA PREDSJEDAVALJUĆEG ODBORA

Danijela Šahat, s.r.

Zamjenica predsjedavajućeg Odbora je u 12.30 sati zaključila rad Pete sjednice Odbora za budžet i finansije Gradskog vijeća Grada Sarajeva.